



增田
貢著

清史學要

柳田文庫
文庫11
A1670



明治十年四月

增田貢著

文庫11
A1670
1

初帙

清史攬要

龜谷行校閱

東京

光風社
萬青堂

清史攬要序
邦國之雄視於宇內者森然矣。而其與
我最近者為滿清。其與我同文字者亦
為滿清。同文而最近。豈可不審其立國
本末哉。英佛普魯皆有史譯而傳之。滿
清獨無史書之可觀。何也。豈其有所諱
而然邪。將雖有其書不敢致諸我邪。操

觚之士不乏於其國。何其宜傳而未傳也。增田伯享有感於此。會萃羣籍。以撰清史攬要。其爲書也。滿清二百年間。治亂盛衰之概。歷歷可指掌。其功於史學。蓋非淺鮮矣。夫清之爲國。以土則大於英。佛。以人則衆於普。魯。以教則仁義忠孝。自古而傳。而一敗於英。二敗於佛。艦

砲之利。隊伍之精。未能望普與魯。何其委靡。陵替至此哉。或曰。清俗偷安。倨傲自大。故不復可用。豈其河嶽英靈之氣。發泄既極。而聖賢彝倫之教。亦將墜地也邪。可不慨哉。余今讀其開國之記。則有蹶然拍案而起者。太祖之起兵於北陲。僅二十八甲。而忽席捲四境。蹂躪幽

燕所向莫不勝。當此時。士馬精銳。豪傑如林。朔北風雲之氣。鬱勃磅礴。發為赫赫洪業。猗歟盛矣。今夫河嶽流峙者。依然如舊。乃知非其民不可用。而用之未得其人也。苟能用之。何憂其委靡不振乎。聞今恭親王李鴻章諸人當路。建艦練兵。頗講遠略。安知其振作磨勵。不復

觀開國之盛。則英佛普魯。欲獨擅其強而不可得也。果如此乎。忠孝仁義之教。將益昭於天壤焉。他年伯亭之續此編。大筆淋漓。以表其偉烈。則余亦將掀髯而讀之也。

明治十年四月 省軒龜谷行撰

籍。在吳淞。為史之精。而後史之
 最。捷。在為通。經。攬。要。予。於。承。姚。氏
 之後。記。滿。清。之。事。而。避。初。之。宋。在
 有。年。子。生。去。也。親。嘗。推。求。以。以。也。
 嘗。乘。五。保。之。初。而。燕。之。遠。遠。勢。
 案。宋。子。通。及。朱。舜。水。歸。化。鄭。大。木
 諸。接。如。志。明。社。之。屋。既。而。質。船。致。之

朝。實。錄。其。國。初。隆。興。之。狀。可。以。徵。
 而。順。治。之。後。乃。絕。及。聖。武。紀。之。康。
 熙。之。於。三。藩。臺。灣。雍正。之。於。厄。魯。
 特。乾。隆。之。於。準。回。廓。款。寧。川。嘉。
 慶。之。於。藏。輔。湖。苗。川。陝。道。光。之。於。
 回。疆。瀕。粵。粵。賊。之。亂。照。然。之。而。是。
 光。之。後。乃。絕。也。先。而。事。略。出。廣

西泯賊之事。家祥。而成。遂。之後。乃
 絕。及。粵。遊。記。畧。也。而。回。治。於。敵。之
 畧。而。以。徵。而。其。之。遂。之後。乃。絕。之。後
 書。之。可。考。予。欲。待。其。書。出。而。記。之。此
 所以。遂。泯。之。畧。也。然。而。今。乃。翻。然。以
 為。可。記。也。夫。我。明。治。之。初。與。清。國。通
 也。承。和。造。唐。使。之。後。雖。曾。而。泯。之。是

可以記也。高。玉。濟。之。沒。然。其。生。年。也。
 甚。之。之。破。明。軍。之。後。絕。無。而。泯。者。是
 可以記也。因。載。五。國。交。涉。之。事。遂
 成。回。治。之。記。乃。上。起。順。治。之。終。回。治。
 又。附。以。字。國。之。記。前。後。之。言。五。十。餘。年。
 名。曰。清。史。畧。子。畧。及。所。採。之。畧。其。文
 藝。者。暢。之。以。若。載。之。以。及。涉。穢。則

此編未及乎禘禘子送士社季
由步為進。此後苦日阿蒙冬晴
呼孫仲一禮堂款多子哉。

大日本明治十年三月三日

岳陽增田貞撰



凡例

- 一此編所記專主清。故至明弘光隆武永曆。唯提其大要。不復詳之。
- 一此編專在詳清國治亂盛衰之跡。故儒林文苑隱逸之流。雖其事可傳。今略之而不載。
- 一祥瑞妖孽之類。彼土人好言之。今概不錄之。
- 一此編專詳邊功武略之跡。略內閣獻替之事。非敢略也。無書之可徵也。
- 一此編起於清順治終同治。大凡八代二百三十年。又附之以滿清開國之記。以明其所由起。

增田貢識

一 如... 大... 一 如... 只... 只... 只...



清史攬要目錄

卷一

順治自元十八年

卷二

康熙自元六十年

雍正自元十三年

卷三

乾隆自元六十年

嘉慶自元十五年

卷四

清史攬要

目錄

嘉慶 自十六年至廿五年

道光 自元年至十三年

咸豐 自元年至五年

卷五

咸豐 自六年至十一年

卷六

同治 自元年至十三年

清史攬要目錄終



滿洲

太祖

清史攬要卷一

清國之先。在遼金之末。生於長白山下。姓為愛親
 覺羅。國號滿洲。數傳至肇祖興祖。興祖子為景祖。
 景祖名覺昌安。饒才智。漸供諸部。景祖三子為顯
 祖。名塔克世。顯祖子為太祖。名努爾哈赤。有雄才
 善用兵。明萬曆十一年。滿洲圖倫城有尼堪外蘭
 者。陰誘明寧遠伯李成梁。攻沙克城。殺城主。又攻
 古勒城。城主阿太章京妻。即景祖女孫也。景祖與

清史攬要

卷之一

萬壽堂藏

攻尼堪外
蘭

中五十創

顯祖俱往救之。先後入城。成梁攻城不克。尼堪外
蘭請往招撫。給城中人。使殺阿太。成梁遂并害二
祖。太祖大怒。欲得外蘭而甘心。明人不肯。且曰當
令外蘭為滿洲國主。國人信之。皆歸焉。太祖慨然
往攻外蘭于圖倫城。外蘭遁。克其城。時年二十五。
僅有顯祖遺甲三十副。兵百人而已。明人卒執外
蘭。付太祖。即斬之復仇。先是。明歸二祖喪。至是又
給龍虎將軍之印。及歲幣八百兩。十五年。攻哲陳
部。阻漲渾河。懸繩而渡。跨堞而戰。身中五十餘創。
遂克之。十六年。復克完顏部。滿洲五豪部皆服。遂

鴨綠江

破九國兵

攻葉赫

七大憾

有建州兵食強富。又收鴨綠江部。而葉赫等九國
忌之。合兵三萬來侵。國人大患。太祖酣寢達旦。自
出戰克。斬級四千。獲馬三千。禽布占泰。軍威大震。
二十七年。始絕明貢。惟為互市。三十五年。滅輝發
國。取烏拉。尋征葉赫。葉赫乞援于明。明使遊擊馬
時耕。率火器千助之。太祖戰下其七城。遂誓師
明。明萬歷四十三年。太祖年五十八。建元天命。國
號滿洲。海西四國平其三。惟葉赫恃明不下。明亦
倚為北關。太祖謀大破明。乃休兵二年。以三年興
師伐明。以七大憾誓告天地。步騎二萬發興京。圍

清史稿卷一百一十五 高宗本紀三

破明兵

楊鎬

杜松
李如柏

馬林
劉綎

渾河

薩爾大城

撫順城降。明游擊李永芳夷其城而還。復克清河城。斬副將鄒儲賢等萬人。四年。明遼東經略楊鎬集兵瀋陽二十四萬。四路深入。各率兵六萬。總兵杜松入撫順關。李如柏入鴉鶻關。馬林入三岔口。劉綎入寬甸。令向都城。太祖盡徵各路屯兵集城中。戒嚴以待。杜松素勇輕敵。欲立首功。日馳百餘里。抵渾河。河流迅急。策馬徑度。軍多溺死。松以二萬圍界藩城。分三萬屯薩爾滸山。太祖命大貝勒等以萬五千人援界藩。親率四萬五千攻薩爾滸大營。明兵恃火礮為戰。及晡。大霧晦。咫尺不辨。明

杜松死

尚閒
厓戰

河水赤

劉綎陣法

兵列炬以戰。清兵從暗擊明。萬矢雨集。發無不中。而明兵從明擊暗。銃礮皆中柳林。清兵無傷者。踰塹拔柵。破明兵三萬。而右翼援界藩者。合山上兵據高馳下。與山下兵夾攻。衝陣為數隊。杜松中矢死。太祖又馳赴尚閒厓。遇北路明兵二萬。乃陳山麓。下馬步戰。傳令未徧。而敵突至。諸旗縱馬馳突。人自為戰。諸貝勒貫陣出背。表裏夾擊。聲震天地。明兵大敗。河水為赤。楊鎬聞敗。止如柏綎軍。而綎軍已迫都城。太祖回軍禦之。綎軍連破數寨。節制嚴整。軍行皆持鹿角。止即成陣。礮軍火器甚練。太

清史稿卷一百一十五 高宗本紀三

祖使降卒持杜松令箭往紹綖曰西軍已薄敵城
 促之速進綖遂棄鹿角而進分四萬人入隘四貝
 勒引右翼出其上乘高擊之綖軍殊死戰大貝勒
 又引左翼出其西冒杜松旗幟被其衣甲直入綖
 營大呼格殺綖軍遂潰綖力戰死其康應乾步兵
 合朝鮮兵二萬營富察之野方戰大風走石揚沙
 敵目不得開火器反擊清兵乘勢衝之應乾大敗
 遁去朝鮮之帥姜功烈以殘兵五千降是役明傾
 天下之力盡徵宿將猛士而五日間三路皆敗清
 兵僅損數百人兩朝之興亡實始於是戰明誅楊

冒旗幟
 劉綖死
 朝鮮兵
 姜功烈降
 三路敗

鎬以熊廷弼代之時遼瀋大震廷弼兼程冒雪徧
 閱形勢招流移繕守具簡士馬肅軍令主固守不
 浪戰集兵十八萬分布衝要以伺機變清亦按兵
 不攻者歲餘明外廷弼不戰以袁應泰代之然非
 將材也六年攻瀋陽明總兵賀世賢勇而善戰身
 中十四矢尤世功救之皆歿于陣城遂陷總兵童
 仲揆陳策秦邦彥亦來援師次渾河清兵急攻斬
 邦彥明兵入營發火器多殺傷已而丸盡短兵接
 清兵萬矢環射策仲揆揮刃衝突各殺十餘人乃
 死是役明以萬人當清數萬雖力屈而覆為遼左

熊廷弼
 邊備
 袁應泰代
 賀世賢
 尤世功
 童仲揆
 陳策
 渾河戰

第一血戰

遼陽戰

袁應泰死節

張銓

都遼陽起廷弼

圍清平

用兵以來第一血戰。清兵乘勝攻遼陽。袁應泰引水注濠。自出戰而敗。又入城固守。太祖命塞水源。渡濠冒礮而登城。明兵照炬達旦。苦戰遂敗。經略袁應泰佩印自焚死。御史張銓被執不屈死。於是遼河以東七十餘城俱下。遂遷都遼陽。遼瀋既失。明大震。復起熊廷弼。廷弼立三方節制之策。與廣寧巡撫王化貞議不合。化貞言願得六萬兵。一舉蕩平。兵部尚書張鶴鳴信之。無言不從。廣寧有兵十四萬。而廷弼關上無一卒。徒擁經略虛號而已。十月水合。清兵渡河圍清平堡。化貞命孫得功祖

劉渠 祈秉忠

王化貞逃

錦州降

孫承宗

袁崇煥 築寧遠

大壽往援。并檄鎮武閭陽之師共援。途遇清兵。而得功大壽皆走。鎮武兵亦潰。總兵劉渠祈秉忠戰沒。得功陰通清。訛言敵迫廣寧。城中聞之大亂。化貞單騎走。遇廷弼于大凌河。化貞哭。廷弼笑且憤。乃以所將五千人授化貞。使為殿。盡焚積聚。護難民數十萬入關。得功迎清兵入廣寧。化貞已竄二日矣。錦州等四十餘城皆降。明逮王化貞及熊廷弼。以大學士孫承宗經略遼東。承宗才不下廷弼。而器度過之。使袁崇煥築寧遠城。守關外二百里地。練兵十一萬。開屯田五千頃。寧遠迄成雄鎮。魏

清史稿卷之六 高宗本紀六

刺血書

寧遠戰

血渠

清兵敗

太祖殂

太宗立

軍謀

五大臣

八旗戰法

忠賢黨排承宗令去。以高第代之。第欲棄寧遠。崇
煥以死誓守不去。十二年。清兵十三萬抵寧遠。崇
煥刺血書誓將士。清兵進攻。戴楯穴城。矢石兩下
不退。崇煥令閩卒發西洋巨礮。一發決血渠數里。
傷數百人。三日再攻。再卻。圍遂解。太祖不憚。是年
殂。年七十四。其子立。是為太宗。名皇太極。太祖每
有征伐。與諸貝勒適野而謀。畫地而議。上馬而傳
令。以五大臣議政。十大臣理事。無留獄。無壅情。令
簡而速。故事無不舉。臨敵七旗卻走。一旗拒戰。即
以七旗佐領之。丁給一旗。一旗卻走。七旗拒戰者

賞罰法

耕戰

天聰元年

錦州戰

滿桂

尤世祿

亦如此。一旗內半卻走。半拒戰者亦知之。罪親不
貸。功疏不遺。令信而必。故戰無不克。興京內城居
宗室勳戚。外城居宿衛親兵萬餘。此外遠近十餘
萬戶。散處遼河東西。無事耕獵。有事徵調。戰勝分
俸受賞。人自為兵。人自為饗。無養兵之費。故用無
不給。起兵二十載。而國基建。又十載。而王業大定。
天聰元年。即明天啓七年也。攻明取大凌河城。守
兵皆遁。進攻錦州。不克。袁崇煥守城。滿桂尤世祿
背城列火器。諸將以險請退。太宗怒。命侍衛持盾。
大呼馳進。諸軍殊死衝突。貝勒數人負傷力戰。滿

清史稿卷之六 高宗本紀六

清史稿卷之... 萬壽堂

逮崇煥

紅衣礮

桂中數矢亦不退。殺傷相當。屍滿濠塹。遂收兵而還。自清起兵。明軍望風潰。議戰守自崇煥始。二年。明數遣使來議款。遂不決。三年。大舉伐明。與崇煥遇沙河。鏖戰。互有殺傷。會天暑。清兵不能下。遂縱反間。明逮崇煥。復起孫承宗鎮關門。清兵宵冒明旗幟。黎明突其不意。滿桂戰死。三年。明軍二十萬。以馬世龍統之。與承宗犄角。攻灣州。人所一柳。立平其濠。發大礮摧城堞。清守將潰走。貝勒阿敏見明軍勢盛。不援而遁。遵化諸將亦為明軍所襲破。明遂復關內四城。五年。始鑄紅衣礮。命漢軍演火。

大凌河戰

宋偉

吳襄

祖大弼

萬人敵

大壽降

孔有德耿仲明尚可喜降

器與明軍戰。大凌河。敵陣堅不動。太宗自率兩翼勁兵。先衝宋偉營。營中火器震天。左翼避礮。隨右翼而進。宋偉殊死戰。清前鋒多死。復麾左翼。以火箭攻吳襄。時黑雲起。風從西來。襄軍乘勢縱火。忽大雨。反風燬敵。右翼與偉力戰至晡。明軍遂大敗。副總兵祖大弼率死士百餘人滿語者。易服辮髮。夜突牙營放火。麾下驚擾。侍衛親軍力戰卻之。木棚大壽弟。號萬人敵。嘗以五百騎突錦州。及及太宗之馬。已而大凌河援盡糧絕。大壽遂降。六年。明登州參將孔有德耿仲明以舟師來降。明年。廣鹿。

清史稿卷之... 萬壽堂

毛文龍

崇德元年
大清

偏燕京

伐朝鮮

島副將尚可喜亦降。三人毛文龍部將。袁崇煥殺毛文龍。而孔耿反。登州。可喜亦收諸島衆數千。至是。耿孔為天祐兵。可喜為天助兵。九年。貝勒多爾袞降。擄漢國。由朔州破寧武。入略代忻。應。惇四州。斬明兵六千人。十年。改元崇德。國號大清。即明崇禎九年也。是秋。命武英郡王阿濟格入居庸。克昌平。偏燕京。取十二城。五十六戰皆捷。二年。親率兵十萬伐朝鮮。朝鮮王李倬徙妻子於江華島。棄國都。保於南漢山城。告急于明。并檄國中諸道勤王。欲固守以待外援。時明國方急流寇。不暇鄰。諸

朝鮮降

盧象昇死

道援兵相繼奔潰。清兵圍南漢山城。四路並出。分略諸道。且破島城。獲王妃王子。并群臣家口焉。李倬乃出降。奉正朔。歲時貢獻。一如明國舊制。三年。多爾袞與明督師盧象昇大戰保定。又戰鉅鹿。象昇血戰兩日。礮盡矢竭。猶手格殺數十人而死。清兵進略真定。深入破濟南。執明德王。降五十城。六年。明薊遼總督洪承疇率曹變蛟吳三桂等八總兵。軍十三萬。馬四萬。集寧遠。進圍松山。太宗親統大軍赴援。吳三桂等六總兵皆潰走。杏山。曹變蛟入松山。與洪承疇固守。突圍五次皆不遂。最後斫

大破明兵

牙營傷而還。太宗又料杏山兵奔寧遠。張伏破之。先後殺五萬三千餘人。海中浮屍如雁鷺。清兵昏夜僅傷十人耳。七年。松山副將夏承德為內應。清兵入城。會洪承疇。祖大樂等。曹變蛟。丘民仰戰死。錦州亦降。旋克杏山。于是明國大震。始決和議。遣官至錦州。太宗不報。明復申前議。將成而遂敗。命貝勒阿巴泰伐明。自雁門入會薊州。東至兗州。下十八州而還。明自萬曆後。歲徵遼餉六百六十萬。崇禎中復加。剿餉二百八十萬。練餉七百二十萬。先後共增賦千有六百七十萬。竭天下兵餉大半。

曹變蛟丘民仰死

世祖

順治元年

以事關東。而中原盜賊蠡起。是年太宗殂。世祖繼立。改元為順治。即明崇禎十七年也。世祖使睿親王伐明。其師次遼河。時李自成已陷燕京。自成僭稱帝。國號大順。明將吳三桂乞援。世祖遣兵援三桂。掃蕩李自成。遂代明定天下。

世祖皇帝 名福臨 太宗第六子 在位十八年

甲順治元年。命甲喇章京沙爾祜達。征瓦爾喀。遣官祭先師孔子。春秋為例。

定攝政王及諸王貝勒等儀仗。

凡行獵出兵。攝政王儀仗。前導奉樂而行。其餘和

祭孔子 定儀仗

譯史

多爾克

碩親王多羅貝勒領兵馬或守城池則如攝政王之儀又定官民祭葬及屋基之制大學士希福等譯遼金元三史告成命攝政王多爾克率師往圖中原

馮詮仕清

勅曰朕年冲幼未能親履戎行特命爾攝政王多爾袞往統大軍用加殊禮錫以御用纛蓋等物及奉命大將軍印往定中原一切賞罰俱便宜從事九月徵故明大學士馮詮更定樂章馮詮聞命即至攝政王賜以所服衣帽並鞍馬銀幣及更定樂章名詮言本朝削平寇亂以有天下

陳七事

王應登

領時憲曆

湯若望

擬改用平字為始平景平威平壽平嘉平等從之保定副將王應登陳政要七事一立綱紀二任賢良三靖邊寇四申招撫五和兵民六重農桑務七懲貪婪以兵部尚書洪承疇佐理機政詔領時憲曆明崇禎二年西洋人湯若望修西洋曆法進呈留在北京推測諸器盡遭賊燬及攝政王至若望別製進呈定諸王貝子公俸祿

吳三桂乞
援

李自成

攝政王銀三萬兩。輔政王一万五千兩。親王一萬兩。郡王五千兩。貝勒二千五百兩。貝子一千二百五十兩。鎮國公輔國公。俱六百二十五兩。明寧遠總兵吳三桂請援。攝政王多爾袞出師。大破李自成。先是。明以流寇內逼。棄關外四城。召寧遠總兵吳三桂入衛京師。三桂從寧遠民五十萬衆而西。途聞燕京陷。不敢前。又知家口被掠。而賊向山海關。乃回兵擊破之。急遣使乞師于清。時攝政王未至寧遠。及得三桂書。即日進兵次沙河。時李自成自

山海關大
戰

賊大敗

將精銳二十萬。東擊三桂。又使白廣恩將二萬騎繞出關外夾攻。三桂先擊破賊。自將五百騎謁王。雞髮盟誓。請大軍入關。王命三桂嘗賊。殺傷相當。其翌大戰。賊衆自北山亘海。清兩軍對陣。不及其半。王以敵勍。乃命三桂先衝中堅。而後軍蓄銳以待。是日賊挾明太子屯西山。王率英豫二王登東山。立馬觀戰。賊張兩翼圍三桂數重。三桂軍人人血戰。衝盪數十合。呼聲震天。及午。塵沙大起。兩軍不辨。已而風止。英豫二王率鍊騎二萬。橫突陣所。向摧陷。賊見辮髮。驚曰。滿州兵也。陣遂動。自成先

清史紀事本末 卷之二十一 十二 萬曆三十八年

屠三桂家

走。賊眾盡潰，斬首數萬。又命三桂以二萬騎追之。賊至永平，遣使議和，還太子。非真也。三桂益進兵，自成走燕。屠三桂家，殺明諸王，焚宮殿，西遁。王檄三桂及英豫二王，燕程長驅，及賊慶都，賊以精兵死戰。大風忽起，天地晝晦，賊旌旗皆折，奮擊復大破之。賊走山西。

葬明帝

攝政王入燕京，奏捷，葬明崇禎帝。

王入燕京，明百官迎候。王登武英殿受朝賀，令曰：爾朝皇帝尚未收斂，明日欲令官民哭臨，乃謚為懷宗端皇帝。周后為烈皇后。

明福王立

明福王由松立，南京稱帝。攝政王招大學士史可法，不屈。

史可法

明福王由松避賊，次淮安。南京諸官立為帝，改元弘光。召兵部尚書史可法入閣理事。可法請督師江北。攝政王屢致書招之，可法報書不屈。福王亦遣左懋第具書幣來通聘，并運米十萬石，銀五萬兩。犒吳三桂軍，命卻之。

都燕

帝發盛京，定都于燕，祭告天地。詔中外大赦，盡除明弊政。文臣衣冠暫從明制。巡撫陳錦討登萊賊秦尚行，平之。

登萊上寇秦尚行等。乘青州之變復叛。欲連明劉澤清兵。助楊威稱帝。勢甚熾。陳錦遣兵禽尚行誅之。又誘降楊威斬之。

十二月。內監楊玉指揮李時蔭有罪伏誅。

偽太子

有劉姓者。自稱崇禎帝太子。內監楊玉送至故明周奎家。時明公主亦在奎家。相見泣。奎跪獻酒食。既而疑其偽以聞。令故明東宮官屬視之。皆不識。問以宮中舊事。亦不能對。惟內監常進節指揮李時蔭。執為真。吏部侍郎沈惟炳御史趙開心言。事關重大。宜加詳勘。因下法司得假冒狀。楊玉李時

孔孟孫

蔭等十五人皆棄市。以孔胤植封衍聖公。胤植孔子六十五代孫也。顏紹緒。曾聞達。孟聞璽。

仍襲五經博士。將軍葉臣等破賊。山西畿南悉平。

賊葉臣等破

葉臣進伐三晉。所至迎降。禽陳永福于太原。敗李過于大同。巡撫馬國柱征汾州。山西悉平。巡撫衛國允破真定之寇。畿南始定。

黃河清

乙酉二年正月。黃河清。

自河南孟縣至梅子村。清二日。

於順天府行鄉飲酒禮。

祭金主陵 命祭金太宗世宗陵。

更孔子神牌 為大成至聖文宣先師。

旌明王承恩 旌故明殉難大監王承恩。

給香火地六十畝 立碑旌其忠 葬故帝陵側。

修明史 詔修明史。

博選文行鴻儒充總裁纂修官。

豫親王 二月 豫親王多鐸大破賊潼關 李自成走死。

豫親王軍渡孟津 破張有聲于洛陽 張有曾于靈寶 盡收關外地 李自成盛兵潼關 遣劉宗敏圍清

賊三敗

英王

自成斃

前鋒三日 清兵不動 賊疑不敢擊 已而豫王至自成出關迎戰 清兵三千從圍中起 夾攻破之 遂逼潼關 賊掘重濠 發礮遙擊 竊出銳卒 繞出襲我軍 後為清兵所破 英王阿濟格 吳三桂 渡河 破李錦克延安 鄜州 自成腹背受敵 遁走西安 守關賊降 清兵取潼關而進 自成又焚西安宮室 走湖廣 豫王移師伐明 命英王及吳三桂勦賊 時賊尚三十餘萬 聲言取南京 清兵水陸躡後 于鄧州承天武昌九江 破賊者七 一日 自成晨離大隊 以十餘騎入禱九宮山 拜廟前 鄉民狙之 以鋤碎其首而斃。

餘衆二十餘萬。降明湖廣總督何騰蛟。

豫親王多鐸屠揚州。明大學士史可法死之。

高傑

清兵南下。明睢州總兵許定國。殺瓜州鎮將高傑。為鄉導。河南祥邑望風悉降。淮安鎮將劉澤清。率兵四萬據三河口。清兵以礮毀其戰艦。別軍渡上游。破其步騎。澤清走入海。史可法收高傑舊部十餘萬于揚州。馬士英忌之。自內掣其肘。故其兵潰。揚城為空。可法獨督二萬登陴。豫王屢貽書招之。不應。拒守七晝夜。傷清軍數百。王怒。大礮激攻城。西北隅崩。聲如雷。可法督戰不退。清兵踐積尸而

節 史可法死

屠揚城

登城遂陷。總兵劉肇基巷戰殺傷千餘。可法遂死之。清兵留十日。屠殘而南。

豫親王取南京。明總兵田雄執福王出降。

鄭鴻基

清兵至揚子江。明總兵鄭鴻逵以水師守南岸。侍

郎楊文驄壁金山。時高傑潰兵欲渡江者。為陸軍

燈筏之計

所拒。皆降。豫王命置燈于筏。放中流。明軍礮擊。日

報虛捷。清兵乘霧夜渡。數百騎。鳴螺樹幟。明軍潰

走。清軍方舟畢濟。遂陷鎮江。抵南京。而福王已走

蕪湖。其諸臣留者皆迎降。王駐軍城外十日。始入

城。祠史可法以旌其忠。降瓜州兵十三萬。淮安兵

黃得功

福王亡

左良玉

十萬。又追福王。明靖南侯黃得功拒戰。中矢死。摠兵田雄馬得功擁福王出降。江南悉定。初福王即位也。馬士英阮大鍼諸奸專政。王亦荒於酒色。寧南侯左良玉舉兵東下。鳴士英七大罪。乞誅之。帝專發兵備焉。故清兵得速破揚州。左良玉亦會病死。

英王阿濟格降左夢庚。督師袁繼成死之。

袁繼成

英王上游之兵至九江。明左夢庚以兵十萬降。督師袁繼成不屈死。王又徇江西。夢庚良玉之子也。豫王多鐸敗明大學士馬士英等。平浙西。

博洛
明潞王

淮王降

豫王令貝勒博洛追明潞王常澆于杭州。徇松江太倉下之。馬士英迎戰敗走。渡錢塘江。清軍營江岸。明兵望見曰。潮至必沒。既而潮不至三日。驚為神。皆倒戈。淮王常清等皆降。浙西悉定。王承制。改南京為江南省。俘福王。凱旋。尋害之。明唐王聿鍵稱帝于福建。魯王朱以海稱監國于紹興。

唐王立
魯監國

唐王者太祖九世孫。世封南陽。崇禎九年起兵勤王。廢為庶人。幽鳳陽高牆。福王立。釋之。徙廣西。行至杭州而南京陷。鄭鴻逵奉入閩。南安伯鄭芝龍

黃道周
蘓觀生

張國維
朱大典
熊汝霖
孫嘉績
錢肅樂
張煌言
王之仁
張名振
浙東之師

禮部尚書黃道周。戶部主事蘓觀生等勸進即位。改元隆武。是為福建之師。魯王者太祖十世孫也。世封兗州。北京之變。諸王南下。及福王立。唐王移台州。次年潞王以批州降。兵部尚書張國維。朱大典起兵金華。給事中熊汝霖。孫嘉績起紹興。吏部員外錢肅樂。行人張煌言。諸生王翊起寧波。定海。總兵王之仁。石浦游擊張名振。以海上兵應之。殺清招撫使。迎請魯王監國。盡驅錢塘之船。列兵江上。西取富陽。以扼上游。潛通太湖。是為浙東之師。下剃頭之令。

剃頭之令

士民之師

陳子龍
沈猶龍
夏允彝

其略曰。向來剃頭之制不急。姑聽自便者。欲俟天
下定始行此事。朕已籌之熟矣。君猶父也。民猶子
也。父子一體。豈可違異。若不歸一。不幾為異國人
乎。自今布告之後。京城限旬日。直隸各省地方自
部文到日。亦限旬日。盡行剃頭。若惜髮爭辨。決不
輕貸。

明遺臣上下江之師大起。

是時難髮令下。蘓州巡撫土國寶。松江提督吳兆
勝。吳淞總兵李成棟。皆以降將。乘勢逞虐。明故給
事中陳子龍。總督沈猶龍。吏部主事夏允彝。約水

黃蜚 吳志葵 吳易 孫兆奎 盧昌觀 瑞昌王 通城王 葛麟 王期昇 荆本徹 沈廷揚 王佐才 侯炯曾 黃淳耀 徐石麒 陳梧 關應元 金聲 尹祖德 尹民興

師摠兵黃蜚吳志葵起兵松江兵部主事吳易舉人孫兆奎起吳江行人盧象觀奉宗室子瑞昌王盛澄起宜興中書葛麟主事王期昇奉通城王盛徵起太湖主事荆本徹員外郎沈廷揚起崇明副摠兵王佐才起崑山通政使侯炯曾進士黃淳耀起嘉定吏部尚書徐石麒平湖摠兵陳梧起嘉興典史關應元陳明遇起江陰僉都御史金聲偕邱祖德尹民興吳應箕起徽州寧國並通表唐王遙受除拜或近受魯王節制揭竿裂裳抗清者十餘万是為上下江士民之師

具王箕 益王 永寧王 楊廷麟 江西之師

明諸王江西之師起 降將金聲桓奉兵招撫所至屠殺立威于是明益王朱由本據建昌永寧王朱慈炎據撫州兵部侍郎楊廷麟據贛州各招五嶺峒蠻數万以抗清兵是為江西之師 明總兵吳志葵攻蘓州清軍擊破之 吳志葵率海上軍由泖湖進攻蘓州黃蜚以大湖軍會之時城中驍騎僅千餘李廷齡土國寶使百餘騎遠城外各張旗幟佯為江寧援兵志葵前鋒數百斬胥門入不見一敵忽清勁騎突出截擊殲

吳志葵敗

之。城中軍亦引退。延齡急閉城。督雜髮。違者斬。不數日。城中皆燹。即驅之登陴。內應始絕。外攻遂潰。清諸將連破。明上下江師。平之。

李成棟

李成棟破崇明。邀黃蜚。吳志葵兵于吳淞江。與蘓州軍以火夾攻。潮落風烈。明兵舟重。膠汐而燼焉。

禽吳志葵

禽蜚志葵。陷淞江城。盧象觀率眾二萬。窺江寧。洪承疇先誅內應。出鐵騎衝之。外軍驚敗。禽瑞昌王。

禽瑞昌王

象觀收殘卒。亡入太湖。復與王期昇合。提督吳兆勝火攻其舟。期昇遁。象觀燂。惟太湖吳易一軍。江陰閻應元一軍。有紀律。尚負固。吳易敗。嘉興總兵

江陰城守

閻典史死

節徵寧陷

樊山王
高安王

上下江定

李遇春五十艘。奪吳兆勝二十艘。與浙東應和。閻應元固守江陰。兩月餘。屢卻劉良佐。李成棟之兵。至是。貝勒博託。停潞王。振旅至吳江。破吳易軍。鐵之。進圍江陰。晝夜礮擊。會大兩城崩。應元死之。時金聲據徵寧天險。以副將十三人守各營。自扼叢山關。清兵攻之。兩月不下。降臣黃澍未雜髮。服明衣冠。詭稱援兵。聲啓城納之。澍為內應。徵寧遂陷。洪承疇復禽樊山王常棗于潛山。高安王常洪于婺源。金聲桓亦取建昌。王得仁取撫州。益王等敗竄。上下江略定。

清史稿卷之二十一 高宗皇帝

陝西巡撫孔聞諜犯薙髮令禘職。

孔聞諜

孔聞諜奏。臣宗家衍聖公已薙髮。念先聖為典禮之宗。章甫縫掖。自漢及明。三十年之久。未之有改。一旦變更。恐非崇儒重道之典。請蓄髮以復衣冠。報曰。薙髮嚴旨。違者無赦。姑念汝聖裔。免死革職。永不叙用。

命朝鮮還我大日本漂流之民。

日本漂流民

諭朝鮮王曰。前有日本國民人十三名。飄泊至此。已給衣糧。念其父母妻子遠隔天涯。深用憫惻。使臣至日。備船送還。

豪格

孫守法

王恩光

武大定

賀珍

孟喬芳

丙戌

三年。肅親王豪格征張獻忠于四川。平之。豪格為靖遠大將軍。師至西安。時明副總兵孫守法。鄖陽總兵王光恩。固原副將武大定。賀珍。起兵于興安漢中。屢破流賊。遂取鳳翔。圍西安。受唐王封爵。關中響應。總督孟喬芳屢敗其兵。王分兵勦別州。延安之寇。進軍漢中。破賀珍。進征四川。時張獻忠使其將劉進忠守保寧。進忠迎降。而賊不知也。清師襲獻忠于西充。斬之。四川略定。

二月。尚書覺羅郎立。大破賊李孜田。見秀。降之。覺羅郎立。大破賊于荊州。獲戰艦千餘艘。與將軍

清史稿卷之二十一 高宗皇帝

巴布泰兩路追擊賊軍殆盡。李自成弟孜及田見秀等三十九人詣軍降。

四月除貫穿耳鼻刑。

浙東平

貝勒博託大破明魯王平浙東。

傳訛

方國安敗

博託為征南大將軍。清兵臨錢唐江。張國維王之仁乘風拒戰。清兵觸之舟多碎。國維渡江攻杭城。不克而退。尋清兵隔江。礮擊方國安營。國安恐。挾魯王走台州。明諸將臨江留守。廣十餘里。清兵難之。會旱涸。水僅及馬腹。清兵數萬自上游濟。列戍望風驚潰。馬士英阮大鍼。族方國安。使執魯監國。

監國脫王之仁死

誅馬士英阮大鍼

何騰蛟

以獻。監國脫走航海。王之仁沈妻子于江而死。江寧紹興寧波溫台悉下。惟朱大典守金華。張國維守義烏。清兵擊斬之。阮大鍼導清兵屠金華。清兵惡之。禽士英國安大鍼。責其不忠之罪。誅之。進破衢州。禽蜀王樂安王。浙東略定。初方國安與鄭芝龍皆馬士英門下也。合疏薦士英于唐王魯王。皆不納。士英與阮大鍼鼓國安使與諸義兵為難。于是通國水火。遂大敗。明大學士何騰蛟據長沙立十三鎮。初唐王之立也。閩粵兵饑盡歸。鄭芝龍掌握。唐王

芝龍抑制

黃道周死

左闖之兵

十三鎮

奮志有為。而芝龍抑制。令不行于下。王遣大學士黃道周。出關募兵。徒手歸。召無所濟。道周敗於婺源而死之。時湖廣總督何騰蛟。領部兵三萬。繼撫左良玉舊部。馬進忠王允成。眾數萬于岳州。又降李自成舊部李錦。眾十餘萬于常德。于是左闖之兵。皆歸騰蛟麾下。驟增數十萬。唐王大喜。告庶。進騰蛟大學士。封定興伯。堵胤錫為右副都御史。總制其軍。騰蛟部署降卒。參以舊軍。以張光壁黃朝選等十三人為總兵。分鎮湖之南北。與清武昌荆州之軍相持。所謂十三鎮也。

楊廷麟軍

萬元吉

蕪觀生

明總督楊廷麟。破南昌兵。取吉安。江西自建昌撫州之破。惟楊廷麟守贛。募民兵二萬。峒蠻四萬。又留廣東雲南入援之兵。與南昌清兵戰。屢捷。取吉安守之。軍頗振。何騰蛟請唐王赴湖南。廷麟請往江西。浙中諸將請趣衢州。唐王以鄭芝龍不足恃。亦欲棄閩倚騰蛟。先遣兵部侍郎萬元吉督師于贛。遣大學士蕪觀生募兵南安。芝龍使兵民數萬。抑唐王不得行。貝勒博洛破明唐王。執之。鄭芝龍降。博洛之兵渡浙東。降將金聲桓克吉安撫州。鄭彩

鄭芝龍反

黃鳴駿

努山

唐王殂

田川氏

鄭鴻逵棄廣信走入關。楊廷麟萬元吉退守贛州。鄭芝龍陰受洪承疇之款。託言海寇。馳還安平。盡徹關隘諸防。清兵長驅而入。斬明大學士黃鳴駿。連下建寧延平。騰蛟遣五千騎迎唐王。其兵次韶州。不能進。王遂奔汀州。清前鋒統領努山冒明軍旗幟。馳七晝夜。追及之。并敗其總兵姜希綬兵二萬。遂執唐王。王不食死。芝龍詣福州乞降。博洛俘以凱旋。

明鄭成功起兵。

成功芝龍子也。母田川氏。我肥前平戶士人女也。

國姓爺

鄭成功起兵

唐王立
楊廷麟敗

李成棟

唐王曾撫成功。背曰：惜無一女配卿。卿當盡忠。吾家改姓朱。儀同駙馬。中外皆稱國姓爺。尋封忠孝伯。芝龍降清也。成功痛哭而諫。芝龍不聽。成功以讀書為事。未嘗預兵柄。至是慷慨募兵。焚所習儒服。拜辭孔廟。乘巨艦而去。

明朱聿鎮自立廣州。改元紹武。李成棟襲執之。

金聲桓乘勝圍贛州。楊廷麟聞唐王被難。闔城氣索。遂為聲桓所陷。是冬。蘓觀生立王弟聿鎮于黃州。改元紹武。李成棟已下惠潮二州。用其故印。移牒紹報平安。而潛師徙之。遂執聿鎮。及明周益登。

清史稿 卷一百一十五 高宗皇帝 一

諸王宗室世子二十餘人。殺蕪觀生。

明桂王由榔。稱帝于肇慶。改元永曆。

桂王立

瞿式耜

清師定福建。進攻粵。明兩廣總督丁魁楚。廣東巡

撫瞿式耜。兵部尚書呂大器。湖廣總督何騰蛟。巡

撫堵胤錫。復擁桂王由榔。稱帝于肇慶。改元永曆。

初蕪觀生與魁楚議不合。別立唐藩之弟。旬日而

殺丁魁楚

敗。惟桂王據西南。至十餘載。

丁亥四年。廣東總兵李成棟。克肇慶。桂王走武崗。

李成棟克肇慶。下梧州。桂林大震。丁魁楚棄桂王。

瞿式耜守桂林

以輜重四十艘降。成棟殺之。王將走。依何騰蛟于

焦璉

湖南。瞿式耜極陳桂林形勢。固留不聽。式耜自請

留守。與城存亡。王遂就劉承胤于武崗。以岷王府

為行宮。尋成棟攻桂林。式耜督參將焦璉戰城下。

成棟敗。退屯昆陽。

陳邦彥

明大學士陳子壯等起兵。不克而死。大學士瞿式耜

連破清兵。取廣西。

張家玉

明給事中陳邦彥起兵高州。兵部侍郎張家玉起

東莞。大學士陳子壯起端州。合兵襲廣州。以圖牽

制。總督佟養甲檄李成棟圍家玉于增城。旬日破

之。子壯邦彥方圍廣州不克。乃要成棟于禺珠洲。

清史稿 卷一百一十五 高宗皇帝 一

覆式相達

乘風潮夜戰。燬其船數十。俄風轉。成棟回舟。撞炎大捷。斬子壯。邦彥。廣東復定。時覆式相乘清兵之返。遣焦璉。陳邦傳。破陽朔。平樂。下潯。梧。廣西復破。

彭遇颯

明御史彭遇颯。取建寧。邵武。興化。

時鄭成功據廈門。奉隆武年號。兵最強。以與唐魯二王。有釁。不願奉之。乃自次長垣。其浙中遣臣錢肅樂等。先後奔附。時唐王甫滅。所遺郡縣。聞明兵至。多應之。彭遇颯乘之起。連取建寧。邵武。興化。福寧。及漳浦等二十七縣。其取興代也。遇颯乘清守將出戰。襲登陣。盡易明幟。清兵返見之。遂潰。其取

王祚

建寧也。城中舉火為內應。其取邵武也。明郎西王將王祈善戰。先據上游。夜收几案數百。各插香炷。順流放之。環邵武城而過。清守兵望火。大礮齊發。遲明審其偽。習不復備。一夕明兵突至。城遂陷。祈等又進圍福州。

定南大將軍孔有德等。克武崗。桂王走廣西。

西 桂王走廣

孔有德與尚可喜。耿仲明。帥師出岳州。敗馬進才。黃朝宣。何騰蛟。退保衡州。有德進薄之。斬朝宣。復分兵四擊。皆勝。張光璧走寶慶。堵胤錫走永定。李錦潰入歸巫。馬進忠遁五溪。有德合兵攻武崗。劉

明諸將敗

岷王降

王還桂林

王光代

承胤敗降。桂王走廣西。尚可喜追拔桂陽。遂克黎平府。降明岷王等二十餘人。騰蛟與式耜會諸將于桂林。畫地分守。復視師全州。督焦璉趙印選及十三家營。分路拒戰。連營亘三百里。式耜饋饌不絕。清兵遂退。式耜迎王還桂林。

七月。鄖陽王光代起兵。用永曆年號。稱鎮武伯。王光代起兵湖北。據鄭陽。用永曆年號。稱鎮武伯。提督孫定遼擊之。敗潰。

定三載考績之制。

吏部言計典三年一舉。乃舊例也。自今廣輿大勢。

戊午。明。

漸次盡入版圖。請以三載考績為定制。自順治五年。算至七年。合天下之郡吏而大計之。庶大典畫一。易遵守。報可。

五年。江西總兵金聲桓。廣東總督李成棟。反降于初清。兵取江廣也。金聲桓。李成棟。力為多。及事平。章天宇。巡撫江西。佟養甲。總督廣東。聲桓。成棟。受其節制。心常嫌之。天宇尤黷貨。驕武士。聲桓與副將王得仁。殺巡按董成學。脅天宇。迎明故大學士姜曰廣。僉都御史揭重熙于家。以江西叛。成棟聞

江西廣東俱反

姜曰廣揭重熙

江寧振

之。移檄遠近。通表桂王。奉永曆年號。各擁兵十餘萬。據上游。江寧震動。

明張名振取舟山。奉魯王。據之。

松江提督吳兆勝謀反。與明陳子龍。以浙東兵內犯。張名振沈廷揚會之。遇颶。盡喪其軍。廷揚溺死。兆勝事泄被誅。名振遁還。與阮駿合軍。迎魯王。復入浙。合王朝先兵。攻黃斌卿于舟山。殺之。奉魯王。浙師盡歸名振。

取舟山

明堵胤錫圍長沙。守將徐勇戰卻之。

長沙城守

何騰蛟遣焦璉攻永州。使王進取寶慶。馬進忠攻

堵胤錫
徐勇

常德。堵胤錫敗線國安。取衡州。進圍長沙。守將徐勇以三千當數萬。晝夜拒戰。礮擊敵舟。屢卻雲梯地道之攻。又密遣兵。駕小舟。布滿湘江。佯為援兵。敵遂驚潰。

五月。天津妖婦張氏。謀反。伏誅。

張氏稱。故明天啓后。其黨王禮等私製玉印令旗。謀為不軌。所執伏誅。

八月。許滿漢官民之婚姻。

諭禮部。欲滿漢官民和睦。莫如聯姻一事。凡滿漢官民有欲聯姻者。皆從其願。定諸王及官民婚姻。

滿漢婚姻

聘禮

十月以睿親王多爾袞為皇攝政王。

大同總兵姜瓖反。明舊將李占春等起兵川南。

姜瓖反

三譚

楊大展

袁韜

錢邦芭

姜瓖煽動秦晉。李占春譚洪譚文譚誼及義勇楊

大展于大海袁韜武大定等各以兵數萬分據川

南川東皆附桂王受封號請官吏明以錢邦芭巡

撫其地呂大器總制其軍于是明有雲貴兩廣江

明有七省

西湖南四川七省之地桂王移肇慶勢頗張。

金聲桓攻贛州巡撫劉武元拒戰卻之。

劉武元

初聲桓叛惟贛州不從亂巡撫劉武元副將高進

高進庫

庫固守而進庫尤善戰聲桓陷九江欲順流突江

寧而懼贛師乘其後乃回軍攻之三月不下江寧

兵二十萬水陸並進復九江南康長驅擣南昌聲

桓回救而敗入城拒守清兵據山岡而船截江路

聲桓大困。

明李成棟援南昌攻贛州副將高進庫擊破之。

詭降緩師

李成棟度嶺攻贛州高進庫詭約降緩其師成棟

還軍嶺上已而南昌糧盡告急成棟復大舉攻贛

進庫奮戰敗之成棟走信豐。

六年輕車都尉寧完我與大同賊戰大破之。

甯完我

甯完我統兵渡河。討大同賊。復蒲州。臨晉。河津。進征平陽。賊將白璋率步騎六千。至滎河。迎戰。完我奮擊破之。斬三千級。追至黃河。賊未及濟。清兵薄之。溺水死者無算。遂斬白璋。餘賊入吉鎮。又追破之。移師猗氏。賊將衛登芳依山結寨。與張萬全為犄角。完我擊斬萬全。轉戰禽登芳。斬王國興。復進破郭傑于聞喜。

平姜瓖

英親王等滅姜瓖。誅李建泰。郡王博洛破姜瓖勁騎于大同。吳三桂亦敗。王永強于同官。延綏榆林先後克復。巡撫祝世昌亦破

滿達海

萬鍊于大原。總督孟喬平丁國棟。又敗賊將張萬全。英王師圍大同。城中食盡。賊黨斬瓖。降屠其軍民。毀其城垣。巽親王滿達海。別平路澤諸州。破李建泰。殺之。山西陝西悉定。

善桓成棟

清兵陷南昌。金聲桓中矢死。又敗信豐。李成棟墜水死。江西復定。

南昌守門賊。潛約內應。清兵急攻東門。而奇兵襲西門。城陷。善曰廣死之。聲桓中矢沒。禽王得仁。斬之。明揭重熙以援師至。亦敗。清兵鼓行援贛。成棟師亦潰于信豐。成棟大醉上馬渡河。甲重。人馬俱

沈死。

定南王孔有德破明曹志建平永州。

明堵胤錫所部李錦與何騰蛟所部馬進忠爭常德進忠焚常德走李錦尾之而郡縣守將皆遁騰蛟入守湘潭空城為清將徐勇所斬孔有德攻曹志建于道州不利再戰破之志建走據永州復攻克之降其眾數萬。

十二月攝政王多爾袞薨。

王出獵薨于喀喇城年三十九追贈帝號廟號成宗後謀篡之事發覺奪其追封撤廟享。

曹志建

瞿張死節

庚七年正月孔有德陷桂林明大學士瞿式耜總督

張同敞死之。

瞿式耜使張同敞率趙印選等守全州清兵薄之明將走桂林印選前忌焦璉使屯平樂又抑其援桂而自倡眾遁孔有德入桂林城空無人執督師瞿式耜及張同敞皆不屈死。

庚七年清兵下廣州桂王走梧州。

清兵入庾闕克南雄走巡撫羅成耀取韶州降總

督杜永和桂王留李元胤而自走梧州。

將軍尚可喜屠廣州桂王走南寧。

廣州平

高陳相讐言

桂王走南寧

焦璉死

時廣州城外列礮臺。樹木城濬三濠。通海潮。清兵阻淖不能攻。築長圍困之。會暑雨蒸溽。弓弦解膠。士卒患疫。幾欲退師。會明授將高一功。與陳邦傳相讎。一功西走。清兵敗。邦傳兵萬餘。尋江西諸軍畢至。尚可喜令軍士徒步涉淖。冒矢石奮戰。毀其木柵。以礮擊西北隅。軍士乘勢登城。守將范承恩等降。桂王走南寧。

明陳邦傳殺焦璉。以潯州降。

尚可喜禽李元胤于欽州。孔有德克梧州二州。陳邦傳殺焦璉降。有德又敗趙印。選胡一清。取南寧。

陳錦魯王走廈門

平寇策

阮駿

慶遠諸府。

辛未

八年。總督陳錦取舟山。魯王走廈門。

張名振忌王得先殺之。其部將來降。盡報虛實。陳錦奏浙東舟山及山寨之寇皆以興明為名。狼狽相倚。海寇登岸。則山寇接應。山寇被剿。則入海以避鋒。交通閩粵。伺蘓松。久為東南之患。臣廣訪進兵道路。由定關出海。距舟山百餘里。象風潮半日可到。攻其不備。決可克復。乃詔錦會兵先勦山寨。以除內顧。用山民為鄉導。進擣四明諸山。盡破之。遂乘大霧渡海。抵螺頭門。明軍方覺。阮駿以火舟

張肯堂
張名揚

舟山陷

邀戰於橫水洋。風返焚之。駿大敗。張肯堂、張名揚率兵勇數千，背城力戰。清兵掘隧陷之，屠其民。初名振恃海鳴之險，謂清兵必不能渡。先期奉魯王，擣吳淞，惟留兵六千，使阮駿守舟山。名振聞警，回救，則城已破，乃奉魯王赴廈門。去監國，歸為鄭氏之寓公。

鄭成功取同安等六縣，進圍漳州。

鄭成功在閩，復乘清兵攻舟山之隙，大舉攻沿海。取同安、海澄、長泰等，進圍漳州。蜀賊孫可望降，明寇成都及桂林。

鄭成功大舉

獻賊餘孽

沐天波

吳三桂入四川，乘楊展、袁韜武、大定自相仇殺，破之。余大海、李占春來降。三桂以其間，取成都、重慶、叙州。時清兵克湖江兩廣，桂王窮竄土司境，而孫可望、李定國之事復作。初，張獻忠既滅，其黨孫可望、定國、劉文秀、艾能奇、白文選、馮雙禮擁衆于川南，各數萬，推可望為長。可望襲重慶，陷遵義，入雲南。又使定國、文秀追明叛土司沙定洲于迤東，而可望自赴貴陽，并艾能奇之兵襲明貴州鎮將皮熊。雲南鎮將王祥皆奪其兵，定國惡之，及殺沙定洲。迎沐天波還雲南，不復相下。可望乃納款于桂

四賊封王

王求王封欲藉以服衆。及是清兵四迫桂王不得已封可望于秦王定國于西寧王文秀于南康王趣其出兵可望遣兵三千扈從桂王居安隆使文秀文選以步騎六萬分出徐州重慶以寇成都使定國雙禮率步騎八萬以寇桂林。

壬辰九年將軍吳三桂與明劉文秀戰叙州敗績東西

川復陷。

吳劉勝敗相當

吳三桂敗于叙州被圍數重力戰走錦州而都統白含貞亦敗績文秀乘勝犯成都圍三桂于保寧連營十五里使張光壁軍其西王復臣軍其南氣

奴殺陳錦

金礪

驕甚三桂巡城見其壁不整出精騎突光壁軍果驚潰轉戰而南入復臣營亦不支文秀解圍去三桂不追歛軍回漢中四川復陷都統金礪與鄭成功戰海澄敗績。

陳錦與鄭成功戰不利退屯同安其奴刺錦帳中以首奔成功斬之以狗尋金礪援軍至屢捷成功退保海澄清兵圍之城壞十餘丈成功親當天石不退一日聞空礮互發成功曰此號礮也將薄城乃下令兵皆執巨斧以待清兵蟻傳城城上衆斧迎軟隨斧皆墜濠為之平清兵解圍去張名振張

衆斧卻敵

祭孝陵

尤稱雄

煌言亦以別軍入長江。軍勢俱振。成功登金山。遙祭明孝陵。奪戰艦三百于吳淞口。時成功始終為唐王。二張始終為魯王。所奉各不同。而其交甚睦。時明遺臣義旅漸亡。獨兩軍犄角海上。而成功尤稱雄。

明李定國襲桂林。定南王孔有德死之。廣西復陷。孔有德以楚粵寇氛日熾。檄將軍沈永忠以重兵扼沈州門戶。令線國安馬雄馬全節分守南寧慶遠梧州。未幾。李定國取沈靖武岡。永忠告急。有德遣兵分援沈寶。則永忠已退保湘潭。定國乘間襲

孔有德死
誅陳邦傳

釋奠

号砲警備

桂林。城守兵少。有德檄三鎮乞援。未至而城陷。有德死之。定國禽陳邦傳送貴州。剥皮戮死。以其前劫桂王于梧州。害從官輜重。又誘殺焦璉以降清也。

帝幸大學。釋奠先師孔子視學。

遣官祭明殉難諸臣范景文等十六人。予謚。

十一月。定號砲警備之制。

北京白塔山及九門。各設砲五座。遇有警急。白塔鳴砲。則九門俱應之。各旗聞砲聲。皆被甲。御前入直者。仍留直所。左翼於紫禁城東華門。右翼於西

華門外。聚集以待命。

孫可望攻辰州。總兵徐勇死之。遂陷辰州。

孫可望率白文選。以擺保兵五萬。列象陣。攻辰州。

總兵徐勇戰死。城遂陷。

癸巳十年。明鄭成功攻福州。

清命鄭芝龍。作書招其諸子。芝豹彩聯皆降。獨成

功不受。張名振病卒。遺命以軍付張煌言。煌言亦

屢拒。李率泰郎廷佐之招。是冬。成功攻福州。興化

諸府。

敬謹親王尼堪。與李定國戰衡州。沒于陣。

象陣

鄭芝龍兄弟降
張名振卒

尼堪

尼堪敗。馬進忠于湘潭。進破李定國于衡州。尼堪
輕騎逐北。遇伏沒于陣。定國收軍保武岡。

甲午十一年。貝勒頓齊。敗李定國于永州。又敗孫可望

于寶慶。

頓齊

貝勒敗李定國兵四萬。定國走攻靖。沉不下。遂遁

桂林。貝勒回軍。遇孫可望兵于寶慶。馮雙禮將左。

白文選將右。可望建龍旗居中。清兵急攻之。可望

敗走。惟雙禮軍不動。清兵引還。將軍阿爾津亦破

文選于辰州。廣西將線國安馬雄。定潯梧。乘定國

之虛。盡復平樂桂林。屢破胡一清等于象州。招撫

阿爾津
線國安
馬雄

尚可喜
耿繼茂

睿川徭獍。廣西略定。
乙未十二年。平南主尚可喜。連破李定國。復廣東。

李定國以步騎四萬攻廣東。猝陷廣州。薄肇慶。圍新會。尚可喜耿繼茂急請滿兵會勦。命靖南將軍朱瑪喇赴援。連敗定國于新會。可喜結營山巔。伏兵江隘。與朱瑪喇合兵。復敗之于珊州。定國悉精銳據山列礮象拒戰。清勁騎突陣破之。定國復出兵四千。自巔馳下。橫截清兵。清諸將奪山。定國且戰且走。追擊連日。敗之。廣東州邑悉復。
孫可望兵犯岳州。武昌都統辰泰等大破之。

辰泰

六戰

可望跋扈

桂王走雲南

孫可望率眾六萬。戰艦千餘。出川峽。遣盧名臣馮雙禮。分犯岳州武昌。辰泰以荆州兵邀戰。文秀回舟寇常德。荆州長沙之兵皆赴援。設伏城外。俟其半過。夾擊大敗之。六戰皆捷。火其戰艦。斬獲無算。名臣赴水死。文秀雙禮遁回貴陽。可望使文秀守雲南。時定國文秀兩軍不振。惟可望據貴陽益跋扈。擅殺宗室諸臣。桂王懼甚。召定國兵入衛。可望遣關有才襲定國于南寧。又使白文選徙桂王于貴陽。未就道而定國已至。擊敗有才。奉桂王赴文秀于雲南。

衙門鐵牌

六月立內十三衙門鐵牌以制宦官。

諭曰中官之設任使失宜遂貽禍亂近如明王振汪直曹吉祥劉瑾魏忠賢等專擅威權干預朝政枉殺無辜出鎮典兵流毒邊境甚至謀為不軌陷害忠良以致國事日非覆敗相尋足為鑒戒朕今裁定內官衙門及員數職掌以後有干政竊權囑托內外交結官員擅奏外事上言官吏賢否者即行陵遲處死特立鐵牌世世令遵守

武武舉

十月帝親試武舉人騎射

帝嘗幸南臺賜宴群臣持弓曰我朝定天下此弓

伊爾德
陳六御

寧海大將軍伊爾德破陳六御于舟山斬之

也。每年出獵二三次。練習騎射。身雖無暇。心念此不忘。翁洲綿亘百餘里。魯王兩次居此。清兵攻陷之。屠其城。至是復為其黨所據。伊爾德統師往勦。至則故總兵王長樹毛光祥掠大嵐山。伊爾德擊斬之。自攻寧波。赴定海。三路進發。渠魁陳六御阮思列艦拒守。伊爾德進擊敗之。追至衡水洋。斬六御。遂取舟山。

王長樹
毛光祥

黃梧降

丙十三年鄭成功將黃梧降。

田雄

鄭成功攻寧德。殺守將。告捷桂王。將北進。留黃梧守海澄。梧以成功用法嚴。曾以揭陽之敗。斬大將蘓茂。懼而來降。詔封海澄公。守漳州。已而田雄克舟山。斬阮思。李率泰亦破泉州。盡取閩安。海澄諸邑。

施琅降

丁十四年鄭成功陷溫台。其將施琅復來降。

七十二鎮
船鐵人

明桂王遣使自雲南航海。進封成功延平郡王。招討大將軍。成功分所部為七十二鎮。設六官。理事。假永明號。便宜封拜。遂議大舉。戈船之士十七萬。

李定國破
孫可望

孫可望大舉攻桂王。李定國赴援。大破之。

孫可望兵十餘萬。使白文選統諸軍前行。留馮雙禮守貴陽。可望抵三岔河。與定國夾水而陣。使馮寶間道襲桂王于滇城。諸將皆不直。可望約陣而

孫可望降

不戰定國悉精銳突中堅諸軍解甲大呼迎定國可望大敗馬寶倒戈降雙禮亦來可望携千餘人走湖降于洪承疇軍前召至京封義王

戊戌

十五年俄羅斯東部老察冠邊黑龍江之老察犯邊諭朝鮮發烏鎗手助軍

師入曲靖

平西王吳三桂等破李定國入曲靖

吳三桂以是春發漢中沿途戰克四川貴州皆復三路清兵十餘萬戒期入滇李定國分兵守要害自在北盤江策應三桂由苗疆繞出其背白文選驚潰走烏撒廣西軍亦由間道入安隆定國聞之

明師敗

以兵三萬倍道趨戰于炎避河不利詰朝大戰風北來礮火及茅葦野燎焰天清兵乘勢奮戰大破定國追至北盤江定國焚鐵索橋遁清兵一夕造浮橋遂抵曲靖

亥巳

桂王走

十六年清兵入滇城桂王西走永昌李定國令總兵靳統武以兵四千扈桂王奔騰越而自率精兵六千設三伏于磨盤山以謂清兵窮追必不戒俟清兵至三伏山巔放礮擊首尾截攻不復使一騎返乃設三伏清兵渡瀾滄江逐北數百里無一夫拒

設三伏

清史稿卷之...

之。謂定國竄遠。隊伍散亂。上山者萬餘人。忽降人
盧桂生來泄其計。則前驅已入二伏。諸帥急退。傳
令舍騎而步。以礮發其伏。明兵死箐中者三之一。
伏起而鬪死者亦三之一。定國坐山巔。聞信礮失
序。驚怪。忽有飛礮落其前。擊土滿面。定國乃奔。竇
名望王璽皆戰死。清兵亦亡都統以下十餘人。清
兵追至騰越。瘴深餉乏。懲唐盤之役。不復追。降其
閣部大臣侯伯將軍總兵以下數十。獲士馬象駝
數萬。詔以雲貴川廣湖五省蕩平。宣示中外。是冬。
洪承疇以疾回京。命吳三桂鎮守雲南。

竇名望王璽死

五省平

鄭師入金陵。張煌言取徽寧。
鄭成功取鎮江。入金陵。張煌言取徽寧。
鄭成功破瓜州。獲提督管效忠。圍鎮江。五路壘陣。
傳礮聲沸江水。進攻北固山。士皆下馬死戰。清兵
退入城。成功軍逐之而入。遂取鎮江。屬邑皆下。部
將甘輝請取揚州。斷山東之師。據京口。斷兩浙之
漕。嚴扼咽喉。詔召各郡。南畿可不戰自困。成功不
聽。直薄金陵。謁孝陵。而張煌言進取徽寧諸路。時
江寧兵征雲貴。城大守虛。成功移檄遠近。大平寧
國四府三州二十四縣。望風納款。維揚常蘓且夕
待變。東南大震。

鄭師入金陵

甘輝

謁孝陵

東南大震

清史稿

卷之一

甲

萬壽寺

議親征
郎廷佐

梁化鳳

甘輝死
燒海舟

總兵梁化鳳大破鄭成功禽甘輝。

帝幸南苑集六師議親征。兩江總督郎廷佐伴使人通款以緩其攻。成功信之。按兵儀鳳門外。依山為營。連亘數里。崇明總兵梁化鳳赴援。化鳳登高望敵營不整。軍士浮湖而嬉。乃率勁騎五百。夜出神策門。先擣白土山。破其一營。以作士氣。次日大出師攻其前。而騎兵出山後夾攻。成功令甘輝守營。而自調舟師。諸營見山上麾蓋不動。敢不退。又不暇相救。遂大潰。甘輝被執而死。化鳳復燒海舟五百餘。成功遂以餘艦揚帆出海。攻崇明不下。煌

圖形進

赤

鐸尼

帝崩

言軍遇貴州凱旋兵戰敗走徽寧山中。是役化鳳有首功。詔圖其形以進。是冬令將軍達素擣廈門。清兵不習海戰。暈眩不能軍。成功手自舉旗督陣。風猛濤湧。清兵敗還。達素自殺。

庚子十七年。明桂王入緬甸。信郡王鐸尼等班師。

鐸尼等班師。留滿漢兵數萬。及西洋大礮。分屯要鎮。時桂王入緬甸。李定國白文選。竄孟艮木邦。惟與緬交誼。無能患邊。朝廷亦度外置之。議撤兵。而吳三桂貪兵權。必欲俘桂王為功。征緬之師復起。辛丑十八年。帝崩。太子玄暉即位。

好儒

帝篤好儒術。建學齊于宮中。披覽常至夜分。製資政要覽。崩年二十四。

明鄭成功破定荷蘭人。取臺灣據之。

日本甲螺

飯王

赤嵌城

明天啓中。有顏思齊者。為日本國甲螺。甲螺猶頭目。思齊引日本酋歸一王。屯臺灣。閩人遇颺者。借居之。遂與日本約。盡有臺地。而歲輸鹿皮三万。荷蘭人善火器。以夾板船為犄角。雖兵不滿千。南北土酋咸恐之。又建赤嵌城以居。順治甲寅。日本甲螺郭懷一。謀逐荷蘭人。事覺。殺于歐江。會成功自江南敗歸。勢日蹙。頓軍廈門。適日本甲螺何斌。與

鹿耳門漲

荷蘭酋遁

臺地平

荷蘭酋長有隙。潛誘成功。進取臺灣。鹿耳門詰屈回旋。沙浮水淺。猝難飛渡。成功舟至。水忽漲十餘丈。巨艦縱橫畢渡。荷蘭人退保平鎮城。以死拒之。成功力攻不克。乃以火燒船。荷蘭酋長遁歸其國。成功乃改臺灣為東寧。赤嵌城為兼天府。土酋皆受約束以自安。

清史攬要卷之一

黃書堂

清史攬要卷之一終

48-12798

010190529857

